

四庫全書

史部

欽定四庫全書

欽定續通志卷一百七十五

昆蟲草木畧二

蔬類

菴一名山韭見爾雅許氏說文謂之葢形性與家韭相類但根白葉如燈心苗耳蘇頌曰韓詩云六月食鬱及菴謂此也又水韭一名蒼見呂忱字林野生水涯葉如韭而細長可食

葱一名菁藳見廣雅又名乳又名菜伯凡四種曰冬葱
曰漢葱曰蒜葱曰山葱冬葱一名凍葱一名慈葱或名
大官葱漢葱一名木葱蒜葱元人飲膳正要名回回葱
山葱一名茗見爾雅郭璞注所謂細莖大葉者也入藥
用山葱蒜葱食品用冬葱漢葱又有一種葱江南人
呼為龍角葱即今之龍爪葱也又名羊角葱莖上生根
移下蔕之

勤一名山薺見爾雅莖葉與家薺相類而根差長葉差

大又有一種野薤俗名天薤生麥原中葉似薤而小味益辛亦可供食但不多用

臣等謹案李時珍云野薤卽山薤考蘇頌云山薤與家薤相類而葉差大王禎農書云野薤葉似薤而小則判然兩種也今別出之

蒿一名山蒜見爾雅其生於澤者曰澤蒜生石間者曰石蒜三者同一物因地異名耳

臣等謹案鄭志所載韭葱薤蒜皆家種非山野所

產今補輯

芥有數種曰青芥曰大芥曰馬芥曰花芥曰紫芥曰石芥曰白芥青芥一名刺芥大芥一名皺葉芥白芥一名蜀芥芥心嫩莖謂之芥藍子大如蘇子而色紫味辛研末泡過為芥醬以侑肉食內則所謂芥醬即此嶺表錄異云南土芥高五六尺子大如雞子又芥之異種也

薑

說文作蘆

一名番韭小者謂之穰菜初生嫩者名紫薑或

作子薑宿根謂之母薑以母薑去皮曝乾者謂之乾薑

一名白薑又名均薑

苜蓿

爾雅注作菽苜漢書作目宿羅願作木粟

本出大宛國漢通西域始得

其種以歸今處處有之葛洪西京雜記云樂遊苑多苜蓿風在其間常蕭蕭然日照其花有光采故名懷風又名光風茂陵人謂之連枝草

苜一名茵

案貝母亦名茵

見廣雅其類有五一曰赤苜二曰白

苜三曰人苜四曰紫苜五曰五色苜赤苜一名薑見爾雅郭璞注所謂今苜菜之有赤莖者是也亦謂之花苜

人菹白菹二種亦謂之細菹即野菹也北人呼為糠菹
又名猪菹二菹本一但大者為白菹小者為人菹耳周
易菹陸夬夬疏引董遇云菹人菹陸商陸即此紫菹莖
葉通紫吳人用以染爪者諸菹中惟此無毒不寒五色
菹今亦希有

臣等謹案馬融鄭康成王肅易注云菹陸一名商
陸皆以菹陸為一物與董說異考商陸古無菹陸
之名則馬鄭王之說皆非也又案鄭志止載馬齒

苜而未及諸苜今補詳之

萑苳一名萑菜一名千金菜彭乘墨客揮犀云萑菜自

高國來故名

臣等謹按彭乘云萑苳有毒百蟲不敢近蛇虺觸之則目瞑不見物人中其毒以薑汁解之又見續博物志李時珍曰萑苳四月抽莖高三四尺剥皮生食味如瓜糟食亦良江東人鹽晒壓實以備食物謂之萑筍也二說不同考陳藏器云萑苳有白

紫二種紫者有毒入燒煉用據此則彭所稱者乃
紫萵苣李所稱者乃白萵苣也入蔬當以白者為

正

茄一名落蘇

五代貽子
錄作酪酥

一名小菰見晉書隋煬帝改為

崑崙紫瓜見大業拾遺錄民間呼崑味見清異錄王隱
君名為鼈甲草見養生主論酉陽雜俎曰錢王有子跛
足以茄聲相近故呼落蘇茄有紫青白三種白者又名
銀茄紫者又名紫膨臍嶺表錄異云交嶺茄樹經冬不

澗有成大樹者其實如瓜此又茄之異種者也

水茄形長味甘可以止渴亦有紫青白三色洪邁容齋
隨筆云浙西常茄皆皮紫其白者為水茄江西常茄皆
皮白其紫者為水茄亦一異也

緬茄出緬甸滇南雜記云大而色紫蒂圓整蠟色者佳
今會城多以小者於蒂上刻人物鳥獸之形宋劉子翬
詩云緬茄實如瓜垂金粲秋色誰刻紫瓊瑤玲瓏投遠
客

瓠其種有五其長如越瓜首尾如一者為瓠音味甘可

食詩曰甘瓠纍之又曰幡幡瓠葉采之亨之是也瓠之

一頭有腹長柄者為懸瓠世說新語劉道真所謂東吳

有長柄壺蘆是也

俗作葫蘆非

可以為笙曲沃者尤善懸瓠

古謂之瓢今人以盛茶酒猶謂之茶酒瓢論語一瓢飲

國策百人與瓢而趨不如一人持而走疾是也瓢又謂

之浮淮南子百人抗浮不若一人挈而趨是也瓢之無

柄而圓大形扁者為匏詩曰酌之用匏又曰匏有苦葉

叔向曰苦匏不材與人共濟而已是也匏之有短柄大腹者為壺詩曰八月斷壺鶡冠子曰中流失船一壺千金是也壺之細腰者為蒲蘆今之藥壺蘆是也郭義恭廣志謂之約腹瓠以其腹有約束也

臣等謹案壺匏瓢皆瓠類故訓詁家互相注釋而齊民要術有種瓠篇無種壺匏瓢篇也然細繹經史其形名確有分別故總載而各出之

越瓜種出越中故名一名稍瓜一名菜瓜越人當果食

之一種長者至二尺許俗呼羊角瓜

黃瓜本出西域相傳張騫使西域始得其種以歸

絲瓜一名天羅絮一名布瓜昔人謂之魚鱗或作魚刺
始自南方來故又名蠻瓜

南瓜種出南蕃轉入閩浙故名今諸處皆有矣王禎農
書云浙中一種陰瓜宜陰地種之秋熟色黃如金皮膚
稍厚可藏至春食之如新疑此即南瓜也

苦瓜一名錦荔枝一名癩葡萄

菹一名蕺見埤蒼

菹今作菹

左思蜀都賦樊以菹圃即此劉

淵林注曰亦名土茄葉覆地而生根可食人飢則以繼糧又張衡南都賦注云蕊香菜根似茆根蜀人所謂菹也

臣等謹案蕺蕺本二種鄭志誤合為一今別出之

萱一名水蕨以其似蕨而生水中也呂覽云菜之美者有雲夢之萱即此菜也

萹一名羊蹄見廣雅字林云似冬藍蒸食之本草云一

名東方宿一名連蟲陸又郭璞方言注云釀菜莖菜也亦蘇之類

柱夫一名搖車爾雅注所謂蔓生細葉紫花可食今俗呼曰翹搖車者是也一名野蠶豆一名小巢菜陸游詩序曰小巢生稻畦中所謂元修菜是也一名漂搖草以油燂之綴以米糝名草花食之佳作羹尤美

秦菽藜生下濕地所在有之山海經云秦山有草名曰藜如荻可以為菹此即秦菽藜也蓋亦藜類其名亦由

此得之

同蒿一名蓬蒿其葉紋皆邪者名邪蒿北史儒林傳邪
峙以經入授皇太子厨宰進邪蒿峙令去之即此

紫葢一名赤芹一名蜀芹一名苔菜一名水菊菜寶藏
論謂之起貧草

蒔蘿一名慈謀敕一名小苘香實如馬芹子唐李珣曰
生波斯國馬芹子色黑而重蒔蘿子色褐而輕以此為

別

草豉生巴西諸國草似韭狀豉出花中彼人食之

白花菜一名羊角菜一種黃花者名黃花菜

恭菜一名茗蓬菜南人蒸莖食之大香美

李時珍曰恭與甜同其味

也甜

東風菜一名冬風菜

李舟切韻作蕺風

裴淵廣州記云陸地生

花葉似落妊婦莖紫宜配肉作羹味如酪香氣似馬蘭

吳都賦云草則東風注云出九真即此

臣等謹按落妊婦本草誤妊娠馬蘭本草誤馬蘭

今據齊民要術纂入

翻白草楚人謂之湖雞腿淮人謂之天藕

仙人杖草生劍南平澤葉似萹苣叢生昔唐陳子昂世服此草後從補闕喬知之北征次於張掖見仙人杖因言其功喬甘心服之或謂喬曰此白棘也喬乃譏之子昂因作觀玉篇焉蘇頌曰仙人杖乃作菜茹者白棘木類何因相似或曰喬所謂白棘乃枸棘是枸杞之有針者本經枸棘無白棘之名又其味苦此菜味甘乃知草

木之類多而難識使人感疑似之言以真為偽宜乎子昂論著之詳也

臣等謹案仙人杖有三一是菜類即子昂所食者一是枯死竹筍之色黑者一是枸杞之別名皆同名異物也又別有仙人草生階除間高二三寸又有仙人掌草生於石壁上皆與此異

水苦蕒一名謝婆菜一名半邊山

蒲公英一名耨耨草蜀人謂之耳癩草關中謂之狗乳

草土宿本草謂之金簪草又名黃花地丁寇宗奭曰四時常有花花罷飛絮絮中有子落處即生所以庭院間皆有者因風而來又一種相類而無花者名地膽草

蒲公

英孫思邈千金方作鳧公英蘇頌圖經作僕公翌庚辛玉冊作鵠鵠英野菜譜作白鼓丁俗呼蒲公丁皆音之也轉

黃瓜菜一名黃花菜以其花黃其氣如瓜故名野人茹之亦采以飼鵠

生瓜菜其味作生瓜氣故名

醍醐菜形似牛皮蔓生搯之有乳汁出香甜可透人頂故名

茅蒿菜生茅中高一尺有毛如油膩粘人手故名子作角生

雞侯菜生嶺南顧微廣州記云似艾二月生苗宜雞羹食之故名

燕指藤菜出豐湖滑美大類蓴見蘇軾詩注

燕蓴蔬一名燕窩菜王世懋閩部疏以為不辨是何物

謝華啟秀云味芳香在百蔬之上海燕拾海上無毒香
蔬所結之巢也與今燕窩不同

土芋一名土卵一名土豆梁漢人名為黃獨蔓生如芋
人以灰汁煮食之

甘藷出交廣有二種一曰番藷一曰山藷又名朱藷其
根似芋亦有巨魁大者如鵝卵小者如鴨卵初時甚甜
經久得風稍淡泊也南方草木狀云珠崖之不業耕者
惟種此蒸切晒收以充糧糗名藷糧

草石蠶即今甘露子也一名地蠶一名土蛹一名滴露
其根長大者謂之地瓜兒

紫菜一名紫萸

音軟

出海中附石而生正青色取而乾之

則紫色吳都賦云綸組紫絳即此注云臨海常獻之江
賦注云狀似鹿角菜而細又有石蓴似紫菜而色青其
出蜀中者名綠菜宋黃庭堅綠菜贊云在吳則紫在蜀
則綠是也

海苔生海水中正青狀如亂髮乾之亦鹽藏有汁名曰

濡苔臨海出之吳都賦云海苔之類江賦云綠苔鬚髮
乎研上即此風土記謂之石髮

石花菜一名瑤枝生南海沙石間高二三寸狀如珊瑚
有紅白二色稍麗而似雞爪者謂之雞脚菜二物久浸
皆化成膠凍也

猴葵生東南海中石厓間色赤南越謂之鹿角菜見沈
懷遠南越志土人采曝貨為海錯以水洗醋拌則漲起
如新久浸則化如膠狀

龍鬚菜一名麒麟菜產東南海邊石上叢生無枝葉狀如柳根鬚長者尺餘色始青沃以水乃白花木考又名

繒菜

臣等謹案鄭志所載紫菜海苔海藻石花鹿角諸

名俱未詳言品類出產今補輯

睡菜一名瞑菜一名綽菜一名醉草一名嬾婦箴南方草木狀云綽菜夏生池沼間葉類慈姑根如藕條南海人食之令人思睡呼為瞑菜即此

合歡菜生者馮四葉相對晝開夜合見盧氏雜記

菌大者名中馘小者名菌見爾雅孫炎曰地蕈子也或云地雞亦云獐頭郭璞曰地蕈似蓋今江東名為土菌亦曰馘厨可啖本草曰土菌一名杜蕈一名菰子若燒灰地上經秋雨生菌重臺者名仙人帽陳仁玉菌譜一曰合蕈又名台蕈生台之草羗山其質外褐色肌理玉潔二曰稠膏蕈生孟溪諸山淺黃白色三曰栗殼蕈色如栗殼者也四曰松蕈生松陰五曰竹蕈生竹根味極

甘六曰麥蕈俗名麥丹生溪邊沙壤中七曰玉蕈初寒
時生潔皙可愛俗名寒蒲蕈八曰黃蕈叢生山中黃色
俗名黃纒蕈又名黃狍九曰紫蕈俗名紫富蕈赭紫色
產山中十曰四季蕈生林木中味甘而肌理麗峭十一
曰鵝膏蕈生高山中狀類鵝子久而繳開味殊甘滑

臣等謹案陳仁玉菌譜所載有十一種李時珍本草
所引止列九種不免疎漏附訂於此又物類相
感志引孫炎註云中堯聞雷即生俗呼地菌白如

脂可食據此則即黃州之雷蕈也廣西古未隸中
國其物豈遽載爾雅故郭注不取今亦分列於後
焉

杉菌出宜州生積年杉木上

皂莢蕈生皂莢樹上不可食

香蕈生桐柳枳椇木上紫色正字通云冬春之交斫楮
楠木以米汁沃之而生雨雪多則盛香

鮑菜生海舶舵上

天花蕈一名天花菜出山西五臺山形如松花而大於
斗香氣如蕈白色食之甚美李時珍曰五臺多蛇蕈感
其氣而生故味美而無益

葛花菜一名葛乳諸名山皆有之惟太和山所采乃葛
之精華也

蘑菰蕈一名肉蕈出山東淮北諸處埋桑楮諸木於土
中澆以米泔待菰生采之俗名雞腿蘑菰一種狀如羊
肚有蜂窠眼者名羊肚菜

雞縱

楊慎集
作雞塊

一名雞菌一名蟻縱一名蟻奪土雲南生

沙地間丁葷也當即雲仙雜記所稱銅釘葷者

雷葷出廣西橫州遇雷過即生須疾采之稍遲則腐或老不堪用故名

竹蓐一名竹肉一名竹菰一名竹葷生慈竹林中地上者白色可食段成式酉陽雜俎云江淮有竹肉大如彈丸味如白樹雞即此生苦竹枝上者有毒

藟菌一名藟蘆生蘆葦下或以為鶴矢所化生者非也

臣等謹案杉菌以下十一物潘之恒所采以作廣菌譜者也考陳藏器曰地生者為菌木生者為櫛李時珍曰地生為菌木生為蕈二說最為明晰合蕈台蕈等物雖有蕈名而生於地故陳仁玉收入菌譜潘之恒廣菌譜以香蕈皂角蕈杉菌舵菜雜入天花蘑菇等菌中殊非故各出之

地耳一名地踏菰春夏生雨中雨後即早采之

石耳一名靈芝生天台四明黃山廬山巴西邊徼諸山

石崖上遠望如烟

蕨菜生水巾

苣菜似蒜生水巾

蕪菜葉似竹生水巾

蘭菜葉似竹生水旁

藟菜似蕨生水巾

莖菜似蒜生水邊

薺菜生水巾大葉

薺他
合切

蕪菜似菘荃菜也一曰染草

蕪徐
鹽切

臣等謹案墨莊漫錄載川峽有草名蕪麻卽白居易詩所謂蕪草四時青者也此別一種惡草非此菜也

蕪菜似韭而黃

蕪音
唯

蕪草生水中其花可食

臣等謹案自蕪菜至蕪草皆字林語載齊民要術

中但俗本齊民要術蕪誤穀染誤深又脫蕪菜一

條今悉依別本訂正

羞菜出安南蔓生水上升美可食人過池中以手指曰爾羞否即時憔悴待其人去漸青如初

真珠菜藤本蔓生每芽端綴一二蕊圓白如珠故名益部方物畧記曰真珠菜戎瀘等州有之生水中石上翠縷纖蔓首貫珠即此

雪裏燕生四明山雪深諸菜凍損此菜獨青故名燕音闕唐

韻云草菜心長也類篇云吳俗謂草木萌曰燕

看麥娘菜名也隨麥生隴上因名見野菜譜

燕子不來香菜名也早春採可熟食燕來時則腥不堪食故名見野菜譜

兔絲根一名兔絲苗春採苗葉秋冬採根蒸食甘美多食令人眩暈見野菜譜

臣等謹案此兔絲根乃菜也與藥草兔絲名同物異

羅漢菜葉如豆苗因靈觀尊者自江西南昌府西山持

至故名彙苑云出蘄州三角山雜葷烹之即無味

根子菜惟湖廣安陸縣有之

龍顛菜生峩眉山似椿樹頭有刺似白芥生九龍洞者
尤佳

高河菜出大理府點蒼山高河中雲南志云高河乃龍
湫採時若高聲則風雨猝至

蓮花菜出大理府洱河東上滄湖雲南志云相傳蒙詔
時觀音大士化箭鏃所成

稻粱類

稷曰明粢粢即稷也禾之不黏者月令章句云稷秋種夏熟歷四時備陰陽穀之貴者也

臣等謹案爾雅以稷為粢而鄭志別以粱目之今據禮記文作證其說自明且云稷苗似蘆此蘆稌名蜀黍說見後

黍曰薺合

禮記孔疏云黍稌軟而相合氣息又香故曰薺合

禾屬而黏者以大

暑而種故謂之黍黍可為酒禾入水也見說文蘇頌圖

經云秣黍之黏者

丹黍一名紅蓮米即赤黍也

臣等謹案爾雅藁赤苗郭注以赤梁梁鄭志因之
本草以丹黍為藁非

蜀黍 李時珍曰種始自蜀故名 一名蜀秣 一名蘆糝 一名蘆粟 一名

高粱蓋黍稷類而高大如蘆荻者廣雅所云藿梁木稷
即此又有一種出西土名玉蜀黍

秣同粳 稻屬見說文廣雅曰私秣也郭義恭廣志曰粳有

烏秔黑穊音穊青幽白夏之名陶弘景云有赤白二種可
作廩米

臣等謹案鄭志云稻有粳糯二種古人謂糯為稻
且引顏師古之說本草所謂粳米今之糯米而未
詳稻中之粳者今補

梁曰薺箕米名見說文有黃白青赤四種廣志又有解
梁具梁遼東赤梁之名爾雅翼云黃梁香味逾于諸梁
人號為竹根黃

臣等謹案粱為米名乃稻穀之類鄭志云黍之糯者謂之秫又云粱是秫粟非也李時珍云粱即粟也以大而毛長者為粱細而毛短者為粟不知粟是黍稷稻粱之總稱取以配粱亦非

麥大曰麩小曰秣

說文云周所受瑞麥來麩一來二縷象芒束之形天所來也故為行來之

來詩曰詒我來麩

芒穀秋種厚蘊故謂之麥麥金也金王而生

火王而死顏師古漢書注云歲冬種之經歲乃熟故云宿麥也性惡濕又有黑穰麥糯麥之名糯麥可以釀酒

臣等謹案麥種秣楚之外更有蕎麥雀麥瞿麥諸
名蕎麥爾雅未載雀麥瞿麥俱見釋草文蕎音雀

麥即燕麥也大菊蘆麥即瞿麥也鄭志稻梁類未
詳麥種今補

青稞麥有大小二種似大小麥而粒大皮薄見王禎農
書陳藏器曰青稞天生皮肉相離秦隴巴西種之

臣等謹案陶弘景蕪恭皆云大麥即青稞麥考齊
民要術大小麥外別立青稞麥一條則陶蘇之合

為一者非也今訂正之

蕎麥一名菠麥一名烏麥

李時珍曰蕎麥莖弱而麩磨如麥故名俗呼為甜麥

易長易收南北皆種之性畏霜又有似蕎麥而味苦者名曰苦蕎穀之最下者也

渠禾蔓生實如葵子米粉白如麩可為饘粥六月種九月熟見廣志

感禾扶疎生實似大麥見廣志

火禾高丈餘子如小豆出粟特國見廣志

大豆一名菽

李時珍曰篆文赤象莢生附莖下垂之形
豆象子在莢中之形張揖廣雅云大豆菽

也小豆
荅也

角曰筴葉曰藿莖曰莢有黑白黃褐青斑數色

黑者名烏豆可入藥及充食作豉詩云荏菽爾雅云戎
叔卽此又名踰躄見廣雅

臣等謹案鄭康成詩箋謂荏菽為大豆孫炎亦以

戎菽為大豆古人訓戎為大鄭氏孫氏之說是也

附識于此

小豆一名荅見廣雅有數種赤豆白豆綠豆螢豆

音勞
野豆

也 皆小豆也 螢豆一名治豆 葉似葛而實長可蒸食一

名 螢菽本草綱目一名鹿豆 爾雅菡音寔鹿藿即鹿豆也

玉篇作𧄸

稽音呂豆李時珍曰稽乃自生稿名科小粒細霜後乃熟

即黑小豆也

豌豆一名踈布兮反豆一名踈音留豆一名青斑豆一名麻

累李時珍曰其苗柔弱宛宛故得踈名嫩一名回鶻豆時青色老則斑麻故有青斑麻累之名

一名踈豆種出西域即青小豆也 又有野豌豆粒小惟

苗可茹名翹搖

蠶豆

李時珍曰豆莢狀如老蠶故名王禎農書謂其蠶時始熟故名吳瑞以為豌豆誤

種亦出

西域張騫使外國得此種歸見太平御覽

豇

江絳二音

豆一名踈躡

雙音絳

多紅色莢必雙生嫩時可茹

老則收子

藟豆一名沿籬豆一名蛾眉豆蔓延而上莢生花下其

實有黑白二種白者入藥黑者名鵲豆其黑間有白道

如鵲羽

刀豆一名挾劍豆酉陽雜俎云樂浪有挾劍豆莢生橫斜如人挾劍卽此豆也

虎豆本名橐一名虎橐爾雅注曰今虎豆纏蔓林樹而生莢有毛刺今江東呼為橐橐古今注曰虎豆一名虎沙似狸豆而大

藜豆一名狸豆一名狸沙一名獵沙生江南蔓如葛子如皂莢作狸首文

按李時珍誤合虎豆狸豆為一今據古今注別出之

馬豆一名馬沙似虎豆而小實大如指亦可食見古今

注

木豆出徐門子美似烏豆枝葉類柳一年種數年採見
交州記

佛豆粒甚大而堅以鹽漬食之見益部方物畧

臣等謹案前載有言三穀者粱稻菽是也有言五
穀者麻黍稷麥菽是也有言六穀者稻黍稷粱麥
菽是也有言九穀者稷秫黍稻麻大小豆大小麥
是也竊謂九穀之名宜取粱而去秫粱是穀之美

種數不可闕秫即黍之黏者鄭志備載麻稻梁而黍稷之名未晰稌麩闕而菽類亦未詳今補此以

備考證

稗音敗李時珍曰稗乃禾之卑賤者也故字從卑葉似稻節間無毛實似蕒有水旱二種水稗名曰籬淮南子曰籬先稻熟而農夫薈之即此紫毛者即烏禾也

糝衫慘二音子名龍爪粟一名鴨爪稗李時珍曰糝乃不黏之稱亦不實之貌也

龍爪鴨爪象其穗岐之形生水田中及下濕地葉似稻差短稍頭結

穗

東廩

音牆

生河西苗似蓬粒似葵青黑色河西語曰貸我

東廩償爾田梁言厚報也相如賦東廩彫胡即此

節草一名自然穀一名禹餘糧生東海洲上有實食之

如大麥七月熟民斂獲至冬乃訖見博物志

欽定續通志卷一百七十五

欽定四庫全書

史部

欽定續通志卷一百七十九

六至

通政使司副使臣施朝翰覆勘

總校官原任侍講臣王燕緒

欽定四庫全書

欽定續通志卷一百七十六

昆蟲草木畧

三

木類

松一名道梓其葉有兩鬣三鬣五鬣之分兩鬣者常松也三鬣者為栝子松俗名孔雀松又名剔牙松五鬣者為松子松又謂之華山松產高麗又有金松葉似麥門冬葉中一縷如金縷故名出台州有魚甲松出洛中有

小松長不過三四尺出黃山至赤松白松麈尾松秉性
尤異松葉一名松毛松皮一名赤龍皮松花一名松黃
松脂一名松膏一名松香一名松膠一名松肪一名瀝

青燒取者名松瀹

音諸

臣

等謹案蘇頌云松葉有兩鬣五鬣七鬣而不詳

松之名李時珍云松葉三鍼者為栝子松五鍼者
為松子松而不言鬣考癸辛雜識云栝松每穗三
鬣華山松每穗五鬣則三鍼五鍼猶三鬣五鬣耳

鬣言其形鍼言其銳也又酉陽雜俎曰松今言兩粒五粒粒當言鬣述異記曰鬣者言如馬鬣形言粒者非據此應從周說為正

落葉松塞外興安嶺多有之五臺亦有其皮蒙古無茶時可以當茶木性最堅其刺有毒入肉即爛入水即沉所以木商不取其幹直挺參天枝葉蔚然恍若九簷羽蓋以塞北高寒經秋葉脫至春復生松上寄生白脂厚五六寸光潔似玉微軟而堅有用之為靴底者

杉松一名白松生塞外汗特穆爾嶺五臺亦有其幹直
上枝葉如盤下枝長以上漸短遠望無異浮圖其體最
輕商人取之運至通州

條一名槠見毛傳陸璣詩疏云槠今山楸也亦如下田
楸耳宜陽共北山多有之爾雅曰槠山榎

榎木一名于木見爾雅郭璞注云榎木也江東呼木
斛

柎一名櫨見爾雅郭璞注曰似棗細葉葉新生可飼牛

材中車輞闕西呼杻子一名土樞陸璣詩疏云葉似杏而尖白色皮正赤為木多曲少直枝葉茂好二月中葉疎華如練而細藥正白蓋樹今官園種之正名曰萬歲既取名於億萬其葉又好故種之共汲山下人或謂之牛筋或謂之橈材可為弓弩幹也

枅

一作楠

一名梅見爾雅陸璣詩疏云梅樹皮葉似豫樟

葉大可三四葉一叢木理細緻於豫樟子赤者材堅子白者材脆博物要覽曰楠有三種一曰香楠一曰金絲

楠一曰水楠水楠色青而質脆如水楊又任昉述異記云黃金山有柎木一年東榮西枯一年西榮東枯張華謂之交讓木亦見蜀都賦此蓋柎中之殊異者歟

臣等謹案詩有二梅召南之梅杏類也子可調羹秦風之梅大木也材可作棟故毛萇標有梅傳云盛極則墮者梅也終南傳云梅者柎也據此則判然二物郭璞於爾雅梅柎下注似杏實酢則誤矣鄭志合二梅為一入果類尚仍郭氏之訛今正之

椴

音段

一名施見爾雅郭璞注曰白椴也樹似白楊邢昺

疏曰其材能濕

能古通耐

檀一名欖檀皇覽云孔子墓有欖檀即此材可為車輻
及斧柯樹狀與梓榆莢莖相似故俚語云斫檀不諦得
繫迷繫迷尚可得駁馬駁馬梓榆也又江南有一種木
春不生葉夏月方萌黃梅過方舒葉葉既開則水定農
人憑之以占水候號望水檀又有一種葉如檀高五六
尺生高原四月開花正紫亦名檀樹其根如葛

魄一名檉榼見爾雅

詩疏作
犁榼

郭璞注曰魄大木細葉似

檀今河東多有之齊人諺曰上山斫檀檉榼先殫鄭樵

注曰俗呼朴樹一名繫迷一名莢遂一名羿先

梓榆一名駁馬其樹皮青白駁犖遙視如駁馬故名詩隰

有六駁即此

黍樹高二三丈

黍俗作漆乃水
名非木也今改

以剛斧斫其皮開以竹

管承之汁滴管中則黍矣以金州者為佳故世稱金黍

今廣浙中出一種黍樹似小榎而大六月取汁髹物黃

澤如金即唐書所謂黃漆者也考工記曰漆欲測言貴清也

楛一名赤棟其白者名棟見爾雅郭璞注曰赤棟樹葉細而歧銳皮理錯戾好叢生山中中為車輞白棟葉圓而歧為大木

楸一名白楸見爾雅郭璞注曰楸小木叢生有刺實如耳璫紫赤可啖本草曰其核名蕤核

臣等謹案鄭志依王蒼說以柞為楸考詩柞楸並

稱明非一木故別出之

檉樸一名心見爾雅邢昺疏引某氏曰檉樸榭檉也有
心能濕江河間以作柱又曰詩林有樸檉此作檉樸文
雖別其實一也或者傳寫誤

桑有數種農書曰荆桑多椹魯桑少椹李時珍曰白桑
葉大如掌而厚雞桑葉細而薄子桑先椹而後葉爾雅
曰桑辨有萋椹舍人曰桑樹一半有萋一半無萋為椹
爾雅又曰女桑棗桑郭璞注曰今俗呼桑樹小而條長

者為女桑樹爾雅又曰檿桑山桑郭璞注曰似桑材中
作弓及車轆葉可飼蠶其絲中琴瑟故禹貢曰厥篚檿

絲

柘一名杆見廣雅樹高大如桑枝條婀娜葉大如掌蠶
書曰柘葉飼蠶其絲作琴瑟弦清響勝凡絲周禮曰弓

人辨六材柘為上古今注曰柘實曰佳

音錐

本草曰又有

一種奴柘生江南山野似柘節有刺冬不凋亦可飼蠶

臣等謹案李時珍云柘葉飼蠶作繭即爾雅所謂

棘繭也考爾雅棘繭注云食棘葉則李說非也附
訂於此

杣

一作櫟一作檜
一作椿

見禹貢今俗名香椿長而有壽南北皆

有之木身大而實其幹端直紋理細膩肌色赤皮有縱紋
易起葉自發芽及嫩時皆香甘生熟鹽醃皆可茹

楓一名攝攝見爾雅郭璞注曰楓樹似白楊葉圓而岐
有脂而香今之楓香是孫炎曰攝攝生江上有寄生枝
高三四尺生毛一名楓子天旱以泥泥之即雨

孫注見
廣韻及

物類相感志於本草綱目所引不同今從廣韻

臣等謹案任昉述異記云南中有楓子鬼木之老者為人形亦呼為靈楓蓋瘤癭也荀伯子臨川記云嶺南楓木歲久生瘤如人形遇暴雨大雨則暗長三五尺謂之楓人二說皆以楓人為瘤癭與孫炎寄生之說異附記於此

杞即詩所謂南山有杞是也陸璣草木疏云杞樹如樗一名狗骨木理白滑可為函板

臣等謹案鄭志誤合衛矛狗骨為一今據本草別出之又毛詩南山有杞陸德明釋文引草木疏云其樹如樗一名狗骨又詩南山有枸正義引陸璣疏云枸樹高大似白楊有子著枝端大如指長數寸噉之甘美如飴八月熟今官園種之謂之木蜜據此則木蜜之非狗骨審矣坊刻草木疏誤合兩條為一而沒杞之名改樗為楹改狗骨為枸骨以就其說本草綱目亦仍其誤今據詩釋文及正義

改正

禪白理木也可為櫛及杓故禮記云櫛用禪櫛犧尊禪杓山海經曰風雨之山其木多榘禪即此

臣等謹案陳藏器云鑿子木今之作梳者是也李

時珍曰鑿子木心理皆白色其木堅韌可為鑿柄

故名鑿子木據此二說則禪蓋即鑿子木也方書

以鑿子木為柞木乃音近而訛非柞槭之柞也附

正於此

檜柏葉松身見爾雅皮光葉尖硬如芒刺一名栝今人名圓柏羅願爾雅翼曰又有一種別名檜柏不甚長其枝葉乍檜乍柏一枝之間屢變人家庭宇植之以為

玩

樅松葉柏身見爾雅郭璞注曰今太廟梁材用此木尸子所謂松栢之鼠不知堂密之有美樅羣芳譜云千仞無枝葉與身皆直樅檜樹皆高丈餘花葉皆同但實稍大而色黃綠肉虛為異耳初甚酸澀經霜乃可食

楛見書及詩禹貢注曰中矢幹陸璣詩疏云楛形似荆而赤莖似著上黨人織以為牛宮箱器又屈以為斂

椋一名即來見爾雅郭璞注曰今椋材中車輞邢昺疏引本草唐本注云葉似柿兩葉相當子細圓如牛李子生青熟黑其木堅重煮汁赤色李時珍以為即松楊也

椋一名榑其見爾雅郭璞注曰椋實似柰赤可食山海經曰堂庭之山多椋木即此

榆一名無疵見爾雅郭璞注曰榆梗屬似豫章說文謂之毋杣

豫一名釣樟章即樟木二木初生無異故淮南子云豫章二木七年乃辨郡名豫章因木得名樟脂名樟腦一名韶腦樟上寄生名占斯一名炭皮

臣等謹案鄭志合榆與釣樟為一又合豫與章為一與淮南子及本草相背今正之

杣大木子似栗生南方皮厚汁赤中藏卵果見郭璞爾

雅注

臣等謹案爾雅杭魚毒陸德明釋文云杭又作芫

郭璞以大木之杭解之顏師古分芫杭為二以芫為魚毒以杭為即吳都賦鯨杭柁櫨之杭而以郭

注為誤考本草經草部有芫花

唐慎微移入木部李時珍仍移入草

部別錄諸家但云可以毒魚故一名毒魚並不
可以藏卵果沈滢臨海異物志諸書但言杭可言
藏卵果而不云可以毒魚則顏說為不易之論矣

但毒魚之芘止一二尺亦不得云大木郭璞以大木釋魚毒者以文在釋木中耳然釋草內亦有木槿則爾雅之分篇不可盡泥也鄭志用本草文以芘為魚毒是矣而末又引郭璞皮汁藏果之說以綴之非也今別出之

枸音鈎根樹直而高其用與栝櫚同出廣州見南越志

文木材密綴無理色黑如水牛角日南有之見南越

志

枕柳一名姑柳一名麪木一名董樓一名鐵木見本草
蜀志云興古南漢縣有枕柳樹有麪大者至百斛

臣等謹案陳藏器云虎散枕柳冬葉蒲葵椰子櫛
柳多羅等與梭櫚同類鄭志襲用其語而未詳其
形與別名今補輯之分見各類下

蒹木樹高十餘丈濶四五圍樹顛生葉兩邊行列如飛
鳥翼皮中有白麪石許磨屑可作飯呼為蒹麪輕滑勝
枕柳麪見蜀志

穰木出交趾皮中有如白米屑者乾擣之以水淋之似麪可作餅見吳錄

臣等謹案穰木楊慎以為即枕椰李時珍以為即

紗木考蜀都賦云麪有枕椰吳都賦云文穰楨樞則楊慎之誤審矣李時珍合紗穰為一亦無所據今仍依太平御覽別出之

虎散一名古散木可作杖見本草

蒲葵如楸欄而柔薄可為葵笠出龍川

葵笠或作扇笠

見南方

草木狀

木棉有草木二種吳錄云交趾安定縣有木棉樹高丈餘實如酒盃皮薄中有如絲棉者色正白破一實得數斤可作布此木本也一名斑枝花一名瓊枝作布名吉貝史炤釋文云木棉江南多有之以春二三月下種既生須一月三薹至秋生黃花結實及熟時其皮四裂其中綻出如綿土人以鐵鋌碾去其核取如棉者以竹為小弓長尺四五寸許牽弦以彈棉令其勻細卷為筒就

車紡之自然抽緒如縑絲狀織以為布此草本也作布
名古終

樟樹出永昌其華柔毳可績為布見蜀都賦云

比閭木其華如羽伐其木以為車終行不敗見逸周
書

闌木生水中心黑色而光其堅若鐵見孔晁逸周書注

水松葉如檜而細長出南海不大香故彼人無佩服者
踰嶺而北則其香殊勝在南方時見南方草木狀

竹柏生峩眉山中葉繁長而箨似竹其幹類柏而亭直
見益部方物畧

合掌柏出汝西練溪暮秋葉斂故名見酉陽雜俎

薊柏出敏山狀如荆白花赤實服者不寒見山海經

薊廣

志作
計

石柏生海中一幹極細上有一葉似側柏根所附著如
烏藥大抵皆化為石見桂海虞衡志

陰陽柏出高麗南宋時曾進之左花則右實右花則左

實見崑山縣志

巖桂一名木犀其花白者名銀桂黃者名金桂紅者名丹桂

天竺桂生閩粵兩浙而台州天竺最多故名大樹繁花結實如蓮子狀天竺僧人稱為月桂其花時常不絕故道經謂之不花不以供獻

臣

等謹案宋之問詩云桂子月中落陳藏器本草拾遺云今江東諸處每至四五月後嘗於衢路間

得月桂子大於狸豆破之辛香故老相傳是月中
下也餘杭靈隱寺僧種得一株近代詩人多所論
述南部新書杭州府志湧幢小品諸書所載大畧
與陳說同考月中桂樹之說出虞喜安天論酉陽
雜俎云或言月中蟾桂地影也空處水影也此語
差近是月中本無桂樹也月無桂安所得子而下
之而植之天竺桂之名月桂因其四季有花猶勝
春花之名月季花耳豈以種出月中而名哉然則

桂子之雨何也李時珍曰宋史元豐三年六月饒
州雨木子數畝狀類山芋子味辛而香即此類也
斯論可破羣說之誣今併錄於此

沈香一水沈水香一名蜜香一名木蜜一名沒香一名

多木香一名阿麤

音 麤

沈懷遠南越志云交趾蜜香樹彼

人取之先斷其積年老木根經年其外皮幹俱朽爛木
心與枝節不壞堅黑沉水者即沈香也半浮半沉與水
面平者為雞骨香細枝緊實未爛者為青桂香其幹為

棧香其根為黃熟香其根節輕而大者為馬蹄香此六物同出一樹有精粗之異爾

臣等謹案本草拾遺沈香與蜜香分為二沈懷遠南越志及李時珍本草綱目合為一考蜜香形狀功用與沉水無少異蓋一物也故今從沈李二說合之

檀香一名旃檀一名真檀葉庭珪香譜云皮實而色黃者為黃檀皮潔而色白者為白檀皮腐而色紫者為紫

檀華嚴經云白旃檀塗身能除一切煩惱道書檀香謂之浴香不可燒供上真

羯布羅香樹松身異葉花果亦別初採既濕尚未有香木乾之後循理而析之其中有香色如冰霜似龍腦香見西域志

麝香樹其老根焚之亦清烈號飢餓香出江南山谷間見清異錄

沒藥一名末藥生南海諸國廣州亦有之根株皆如檉

欖葉青而蜜歲久則有脂液流滴在地下凝結成塊或大或小類安息香

檀香一名兜婁婆香楞嚴經云壇前安一小鑪以兜婁婆香煎水沐浴即此香也

必粟香一名花木香一名磨香生商山中葉如老椿擣置上流魚悉暴腮而死以為書軸白魚不損書也

騏驎竭一名血竭樹畧如沒藥其肌赤色采法亦與沒藥同一云紫錫樹之脂見五雜俎

安息香樹一名辟邪樹段成式酉陽雜俎云刻其樹皮其膠如飴名安息香六七月堅凝乃取之燒之通神辟衆惡

臣

等謹案葉庭珪香譜云安息香不宜於燒而能發衆香故人取以和香與段說小異又香錄云今人和香有如飴者謂之安息油則後人之加名也

蘇合香一名吐竭瑟劍其膏謂之蘇合油梁書云中天竺國出蘇合香是諸香汁煎成非自然一物也又云大

秦國采得蘇合香先榨其汁煎為香膏乃賣其滓與諸

國賈人是以展轉來達中國者不大香也

李時珍曰劉夢得傳信方

言蘇合香多薄葉子如金色按之即少放之即起良久不定如蟲動氣烈者佳如此則全非今所用者

磨糖香樹似橘前枝葉為香似沙糖而黑出交廣以南
軟者為佳其花亦香氣如茉莉花

篤耨香出真蠟國樹之脂也色白而明透者名白篤耨
雜以樹皮者則色黑名黑篤耨為下品

膽八香又名唵八香生交趾南蕃諸國樹如稚木犀其

實壓油和諸香蒸之辟惡氣

龍腦香即今之冰片也一名片腦一名羯婆羅香膏名
娑律香亦名腦油段成式酉陽雜俎云龍腦香樹名固
不娑律無花實其樹有肥有瘦瘦者出龍腦肥者出娑
律膏香在木心中斷其樹翦取之膏於樹端流出斫樹
作坎而承之

臣等謹案古今之言龍腦者其說不一蘇恭蘇頌
皆云樹形似杉而葉庭珪及蘇恭所引或說則直

以為杉木段成式云樹無花實又云膏於樹端流出而蘇恭蘇頌所引或說皆云實如荳蔻膏即根下清液蓋傳聞異詞也今一以段說為正

阿魏一名阿虞一名薰渠一名合昔泥有草木二種草者出西域可晒可煎木者高液滴釀結成

藥木一名黃藥

俗作黃栢
省寫之謬

其根結塊如松下茯苓名檀

桓陳藏器云百歲藥樹之根如天門冬長三四尺別在一旁以小根綴之名檀桓枝此即陶隱居所云其根於

道家入木芝品者也又有一種小樹狀如石榴俗呼為
子藥亦名小藥又名山石榴又一種小樹多刺者名刺

藥

棗金櫻子杜鵑花並名山
石榴與小藥同名異物

黃櫨生商洛山谷四川界甚有之葉圓木黃可染黃
色

胡桐見前漢書西域傳顏師古曰胡桐似桐蟲食其樹
而沫出下流者俗名胡桐淚可以汗金銀

折桐春來開花如玉簪而微紅見洞天清錄

榔桐狀似青桐葉有極人取皮以漚絲

榔而
郭切

棟一名苦棟實名金鈴子荆楚歲時記言蛟龍畏棟故
端午以棟葉包米作角黍投江中祭屈原也

紫檀一名紫旃木性堅新者色紅舊者色紫有蟹爪紋
新者以水濕浸之色能染物

棚榆狀如榆其皮有滑汁八月生莢

考左傳正義
棚榆即櫛木

皂樹葉如槐葉實名皂莢又名皂角又名雞栖子又名
烏犀又名懸刀性能消鐵皂樹多刺難上采莢時以篋

蘊其樹一夜自落亦一異也其刺名天丁

肥皂莢樹葉如皂樹葉莢長三四寸肥厚多肉內有黑子數顆采莢搗作丸澡身去垢勝於皂莢物類相感志言肥皂莢水死金魚辟馬螳麩見之則不就亦物性相制耳

藥樹葉似木槿而細薄花黃以染物甚鮮明亦可入藥子名木藥子堪為數珠

蘇方木一名蘇木樹似菴羅其木人用以染絳色博物

要覽云煎汁用鐵器則色黯其木蠹屑名曰紫納亦可用

烏木一名鑿木一名烏楠木一名烏文木木色正黑如水牛角體重堅緻可為器物其間道者嫩木也南方人以繫木染色偽為之

樺木似仙桃

樺王珉作
檀又作獲

皮堪為燭其皮上有紫黑花勻

者以裏鞍及鞞謂之暖皮

綏木文側戾故名

櫨木性堅紫紅色有花文者謂之花櫨木

俗作花梨木

可作

器物

構木一名禱木又名構筋木染絳用之燒灰淋汁可釀

酒

柯樹一名木奴生廣南山谷波斯家用為船舫者也

黃楊木性堅緻難長俗說歲長一寸閏年反縮一寸謂之厄閏以今驗之但閏年不長耳木理細膩作梳刻印

最良

石楠一名楓藥南方記曰石楠樹野生二月花實如燕
卵七八月熟出九真

鬼目一名麂目劉欣期交州記云鬼目出交趾九真武

平興古諸處樹高大如棠梨二月生花仍連著子大者

如木瓜小者如梅李而小斜不周正七八月熟

符草一名鬼目

與此同名異物

臣等謹案鄭志云石楠一名鬼目考本草諸書石

楠與鬼目截然二種鄭志所云非有脫文則錯悞

也今正之

榕樹生南海桂林葉如木麻實如冬青其蔭十畝故人以為息焉而其枝條既繁華又茂細軟條如藤垂下漸漸及地藤稍入地便生根節見南方草木狀

櫻木似松栢有刺細理見郭璞山海經注

机木似榆可燒以糞稻田出蜀中見郭璞山海經注

臣等謹案齊民要術合机與机為一考机樹似梅机樹似榆狀既不同又机陸德明音求机郭璞音

飢音亦各別齊民要術之同條或有脫悞附識于此

構木生蜀中七八月中吐穗穗成如鹽粉見郭璞山海經注

槭木可作大車輅見說文蕭穎士詩序云二室之間有槭木焉與江南楓形相類

檜音歌木一名蜀木見四川志益部方物畧所云民家樹

檜不三年材可倍常故杜甫詩云飽聞檜樹三年大

模木生周公塚上其葉春青夏赤秋白冬黑以色得其正也見淮南王木譜

楷木生孔子塚上其餘枝疎而不屈以質得其直也見淮南王木譜酉陽雜俎曰蜀中有木類柞衆木榮時如枯枿隆冬方萌芽布陰蜀人呼為楷木

棹樹榦葉俱似椿以其葉煮汁漬果呼為棹汁出高涼郡見南方草木狀紺珠云棹汁唯可染絳

大風子出海南諸國周達觀真臘記云大風子乃大樹

之子狀如椰子而圓其中有核數十枚大如雷九子中有仁白色

相思子大樹也材理堅邪斫之則文可作器其實如珊瑚歷年不變東冶有之見南越志吳都賦云相思之樹即此

石瓜出四川峨眉山中其樹修幹樹端挺葉肥滑如冬青實長而不圓殼裂則子見其形如瓜其堅如石故名

巴豆一名巴菽見廣雅一名剛子一名老陽子左思蜀都賦云巴菽巴戟即此

臣等謹案鄭志以巴菽為巴椒蓋刊本之訛今補其名目以正之

枸橘一名臭橘樹葉並與橘同而實如彈丸不香

金櫻子一名刺梨子一名山石榴一名山雞頭子

葉林檎何

櫻子亦曰金櫻子與此同名異物

女貞一名貞木一名蠟樹琴操魯有處女見女貞木而

作歌即此

冬青一名凍青一名萬年枝蓋女貞別種也宋時試畫院諸生以萬年枝上太平雀為題即此

臣等謹案女貞冬青古不分別故晉蘇彥女貞頌云女貞之樹一名冬青而方書所用冬青皆女貞也後人以葉長而子黑者為女貞葉微圓而子赤者為冬青故蘇恭蘇頌咸云女貞葉似冬青至冬不彫今從二蘇說別出之

水冬青葉細利於養蠟子見宋氏樹畜部

烏藥一名旁其一名鱗魷一名矮樟

石荆一名水荆似荆而小生水旁

玉藥花一名散水花唐時唐昌觀有之名人多賦詠焉

玉蘭一名迎春叢生花白微碧其未開時亦名木筆寄枝用辛夷體則花大而成樹

臣等謹案胡仔云木筆迎春自是兩種木筆色紫

迎春色白李時珍云辛夷花有白色者人呼為玉
蘭二說互異伏讀

御製含韻齋詠玉蘭詩注云按玉蘭取辛夷木本接植
之即成花師皆云玉蘭雖有白花而小且叢條不成
樹欲花朶大而成樹必須取辛夷接植而辛夷不以
玉蘭接之則仍紫花是辛夷玉蘭本相近然羣芳譜
及詩人率別辛夷玉蘭若涇渭而以木筆屬之辛夷
今觀二花尖銳形態畢同獨紫白異色耳若以擬筆

不與白而與紫吾以為不然臣等紬繹之下恍悟胡
仔以木筆專屬辛夷尚仍前人之誤而李時珍認
為一物亦不知玉蘭用辛夷接植而成皆未深考
又伏讀

御製詠紫白丁香詩云辛夷若謂玉蘭別謂此分身抑
合身尤為確証鄭志但載辛夷而無玉蘭殊為疎畧
今謹補入

瓊花揚州后土廟有一株花潔白可愛樹大而花繁不

知實何木也俗謂之瓊花見劉禹錫詩序又有一種聚八仙花與瓊花相似而不同葉粗而有芒花小瓣薄其色漸青藥低於花結子而不香

臣等謹案宋敏求等誤以瓊花即玉藥劉攽等誤以瓊花為聚八仙楊慎等又誤以玉藥即山礬今據周必大鄭興裔辨証別出之

山礬一名芸香一名椴花一名栳花

栳音陳
出南史

一名鄭礬

一名瑒花

瑒音暢

一名春桂一名七里香

繡毬花有紅白二種宜寄枝用聚八仙花體白者名雪毬小者名玉團紫繡毬惟蜀中有之

紫薇一名百日紅一名滿堂紅一名怕癢樹一名猴刺脫有數種紫者為紫薇其紫帶藍焰者名翠薇鮮紅者名花薇白者名白薇

山躑躅一名紅躑躅一名山石榴一名映山紅一名杜鵑花有紅者紫者五出者千葉者其黃色者即羊躑躅也

臣等謹案鄭志止載羊躑躅而未詳其名類今補輯

瑞香花一名睡香一名麝囊花一名蓬萊紫即楚詞所謂露甲也又有一種結香枝甚柔韌可縮結故名

佛桑一名扶桑枝柯柔弱葉深綠微瀟如桑臨漳志云花似槿四時常開

臣等謹案梁書扶桑國傳云扶桑國地在中國之東其土多扶桑木葉似桐而初生如筍國人食之

實如梨而赤與此同名異種

木芙蓉一名地芙蓉一名木蓮一名華木一名柺木一名拒霜花類牡丹芍藥有紅白黃三種宋祁益都方物畧云添色拒霜花生彭漢蜀州始開白色明日稍紅又明日則若桃花然

臣等謹案花史邛州有弄色木芙蓉一日白二日淺紅三日黃四日深紅比落花紫人號為文官花此與宋祁所記一類而更異附識於此

山茶一名曼陀羅葉頗似茶而厚梗故名花有數種寶珠最勝

蠟梅原名黃梅花本非梅類以香氣似梅而色黃似蠟故名有三種以子種不經接者花小香澹名狗蠅梅狗蠅

或作九英經接而花疎開時含口者名磬口梅花密而香濃色深黃如紫檀者名檀香梅最佳

伏牛花一名虎刺花

蜜蒙花一名水錦花

君子樹似檉松見廣志晉宮閣記云華林園中有君子樹三株即此

慎火樹生廣州可以禦火山北謂之慎火或謂之戒火多種屋上以防火也但南中無霜雪故成樹見南越志

勝火木生東武城經野火燒炭不滅故東方朔謂為不灰之木見伏琛齊地記太平寰宇記曰不灰木葉如蒲草東以為燎俗呼為萬年火把

萼母樹皮有益狀似栝櫚但脆不中用用之當裂作三四片見異物志及齊民要術廣州記云萼葉六七尺接之當復屋

梓椈大十圍材貞勁非利剛截不能尅堪作船其實類棗味美見異物志

播移樹柯葉發根下虛中森羅望之似懸髮見林邑記

酒樹出頓遜國似安石榴採花汁停瓮中數日即成酒

見南史

摩廚生於斯調國其汁肥潤其澤如脂膏馨香馥郁可
以煎熬食物香美如中國所用油見南州異物志

綸木出威寧縣似穀皮可以為綿見南越志

千歲木出佷山葉似棗色似桑冬夏青貞強少節目見
宜都山川記

勾茫木生嶺南容州可以為布里人斫之新條更生取
之績以為布見寰宇記

多羅樹出南印建那補羅國北其葉長廣其色光潤諸國書寫莫不採用見翻譯名義集天中記謂之貝多樹嵩山記謂之思惟樹

菩提樹出摩伽陀國此樹有梵名二一曰賓撥梨婆刀義二曰阿濕曷叱婆刀義西域記謂之畢鉢羅見酉陽雜俎

通脫木如蜚麻生山側花上粉主治惡瘡如空中有瓢輕白可愛人取以飾物見酉陽雜俎

虎斑木出海南其紋理似虎斑故名見格古要論

色綾木生臺山其理如綾紋人取以為枕呼色綾枕見酉陽雜俎或謂之椽杅木

倒生木依山生根在上有人觸則葉翕人去則葉舒出東海見酉陽雜俎

黝木節似蟲獸可以為鞭見酉陽雜俎

鹿木出武陵郡馬伏波所種木多節見酉陽雜俎

獨椹樹出頓邱南應足山樹高十餘丈皮青滑似流碧

枝幹上聳子若五綵囊葉如境世名之仙人獨桓樹見
酉陽雜俎

思偏木生兩江州洞堅實漬鹽水中百年不腐見桂海
虞衡志

抱木葉細如檜身堅類栢唯根軟不勝刀鋸今潮循人
多用其根剝而為履輕如通草暑月著之隔卑濕地氣
力如杉木見嶺表錄異

沙羅樹在峨眉山難移樹葉似柗葉葉相讓樹皮如玉

蘭色葱白最潔鳥不棲蟲不生見益部方物畧花木考
名七葉樹又名娑婆樹

鎖鎖木出回紇野馬川燒之其火經年不滅且不作灰
彼處人取根製帽入火不焚能辟寒見輟耕錄

娑木出廣西四川色黃紋理稍黑花紋細者可愛直理
者多性最柔新者有香甚濁見格古要論

強木不沉木也方一寸以百斤巨石縫之終不沒見花

木考

櫛木出湖廣及江西南安萬羊山水色白紋理黃花紋粗亦可愛謂之倭櫛不花者多有一等稍堅理直而細謂之草櫛俗呼曰柎木見格古要論

金剛子木出海南安南六楞遍身花紋深細可愛堅且實故名金剛子作素珠冬月不冷手大者如榛子小者如梧桐子亦有如圓眼大者見格古要論

赤水木色赤紋理細性稍堅且脆極滑淨見格古要

論

瀉瀉木出西蕃其木一半紫褐色內有蟹爪紋一半純
黑色如烏木有距者價高見格古要論

龍骨木根如杯捲榦如臂而扁皮青翠花黃心紅瓣根
身有刺斷之有汁可以編籬見事物紺珠

臙脂木色如臙脂堅緻可鏃作見事物紺珠

艾子木高竦花黃葉小子若萹廩之曰艾油見事物紺
珠

慈母樹高丈餘葉如櫻桃而小見事物紺珠

羅漢樹有雌雄雄者開花雌者結子子細腰似葫蘆見
五侯鯖

黃葛木其形如衆藤連理合而為一大者合抱高數丈
葉如椶葉喜緣崖壁生臃腫屈曲不為材用壽可千歲
見叙州府志

楂椶栗之屬生閩廣江右山谷間樹易成材亦堅韌實
如椶斗無刺子或一二或三四似栗而殼薄仁皮色如
榧肉如栗味苦多膏油見羣芳譜

不彫木葉似槐四時不彫

賣子木一名買子木花時便生子如椒目在花瓣中宋史渠州貢買子木并子即此

天蓼有三種木天蓼出信陽木高二三丈子作毬形可藏作果食又有小天蓼生天目山四明山樹如梔子冬月不彫野獸食之又有藤天蓼生江南淮南山子如棗

放杖木樹如木天蓼老人服之一月放杖故以為名

接骨木一名續骨木一名木蒴藿

椴木

椴音忽

一名鵲不蹈以其多刺而無枝也樹頂生葉

山人採食謂之吻頭

木麻葉相對山人取以釀酒

念珠樹生大理府每穗結實百八枚昔李賢者寓周城其家婦產難賢者摘念珠一枚使吞之珠在兒手中擊出棄珠之地叢生珠樹見大理府志

淨土樹在鄆縣三月開花如桃花八月結實狀如小粟

殼中皆黃土俗傳鳩摩羅什憇此覆其廩土中所生

佛頂青其樹葉碧翠異常生峯頂者尤具光彩見峨眉

山志

夜光木一名亮木塞外木經久而枯其根不朽蟠迴連
理于土中水漬木根光輝透徹中外一色有類珠樹夜
光焰可以燭物取者晝日從朽株中驗其沴濕昏黑往
取去其皮而光發則是矣泥沙淨盡體晶瑩經月水
乾光乃漸滅

欽定續通志卷一百七十六